

## **BEE HAZ'ÁANII DOOLEELII NEEZNÁDIIN DÓÓ BI'AAN TÁDIIN DÓÓ BI'AAN TÁÁ'**

Naat'áanii bee haz'áanii ádeiile'ígíí baḡah ha'nildééh biniyé i'ii'nííł bídéét'i'jí Hoozdoh Hahoodzoh Bibee Haz'áanii Nitsaaí Bindii'a' nídookaḡsḡo yidahodeez'á.

### **BEE WÓJÍHÍGÍÍ**

Hoozdoh Hahoodzoh Bibee Haz'áanii Nitsaaí Bindii'a' VII biyaaí, 10 Góne' Dah Shijaa'ígíí náak'aḡs; baḡah ha'nildééh biniyé i'ii'nííł bídéét'i'jí.

### **BAA HANE'ÍGÍÍ**

Nahatá bee da'jítahgóó naanish aḡ' ádaadzaaígíí t'áá bik'eh ní'íḡḡo nahat'á ał'aḡ dah ooldah bee béédaho'doosjídii'í náat'áanii adoodleełḡo deiyíjeehígíí yikéé' nídookah dóó nitsaago ada'ii'nííłdi bee i'ii'nííł bii' bizhi' dadoodzohgo baḡah ha'nildééh biniyé ada'diyoo'nił. Naat'áanii bee haz'áanii ádeiile'ígíí baḡah ha'nildééh biniyé i'ii'nííł yee bee haz'áanii ádayiilaaígíí'í kin dah naazhjaa'góó bibee haz'áanii doo ahxídaneel'áanii yitisi'í át'éego yá hooł'aah.

“Aoo” bee aghá'níídee'go'í Hoozdoh Hahoodzoh Bibee Haz'áanii Nitsaaí Bindii'a' náak'aḡsji yidídoołniḡo'í náat'áanii bee haz'áanii ádeiile'ígíí nahat'á ał'aḡ dah ooldah bił nidahaz'áḡgóó baḡah ha'nildééh biniyé i'ii'nííł yiniyé bee haz'áanii ch'ideiidiyii'aahgo, 'í bee haz'áanii 'í t'áá háí shí'í kin dah shijaa' bibee haz'áanii yits'áájí yee yitisi'í át'ée doo. Baḡah ha'nildééh ada'ii'nííł álnéehgo bee i'ii'nííł bii' nahat'á ał'aḡ dah da'íldééh lá'í níjaa'go daasdzoóígíí'í naanish lá'í bił dahoní'áḡgóó náat'áanii adoodleełḡo deiyíjeehígíí t'áá bik'eh ní'íḡḡo nitsaago i'ii'nííłdi yikéé' nihidookah dóó bee haz'áanii bik'ehgo bee lá'í azlí'í'go náat'áanii adoodleełḡo deiyíjeehígíí baḡah ha'nildééh i'ii'nííłdi bá aghá'níídee'go bikéé' ni'íłdee'ii'í'í nitsaago i'ii'nííłdi bee aná'át'a'í bii' bízhi' atah doodzohgo yee has'á.

“Dooda” bee aghá'níídee'go'í nahat'á ał'aḡ dah da'íldéehgo aḡah ha'nildééh ada'ii'nííłji yidídoołniḡo k'ad bibee haz'áanii'ígíí t'áá náás yit'ih doo.

## **BEE HAZ'ÁANII DOOLEELII NEEZNÁDIIN DÓÓ BI'AAN TÁDIIN DÓÓ BI'AAN DÍÍ'**

Naat'áanii bee haz'áanii ádeile'ígíí bee haz'áanii ádoolníílii aná'a'a'í bich'í' kodaalne' bídéet'i'jí Hoozdoh Hahoodzoh Bibee Haz'áanii Nitsaaí Bindii'a' nídook'ąsgo yidahodeez'ą

### **BEE WÓJÍHÍGÍÍ**

Hoozdoh Hahoodzoh Bibee Haz'áanii Nitsaaí Bindii'a' IV biyayi, 1 Góne' Yilts'íłgíí bíyayi, 1 Góne' Dah Shijaa'ígíí nák'ąąs; bee haz'áanii ádoolníílii aná'a'a'í bich'í' kodaalne' bídéet'i'jí.

### **BAA HANE'ÍGÍÍ**

Hoozdoh Hahoodzoh t'áá náhwiist'ą bibee haz'áanii dooleelii ła' bee i'ii'níłi biih doozoh biniyé bee ła' adooleelgo, t'áá át'é 30 naat'áanii bił hadawiiisdzohdęę' aná'a'a'ii bá hada'dilyaii bitahdóo t'ááłá'í béeso bee ółta'go alts'ádaaszohgo yízhi' áłah ályaago yee hooł'aah, díigi át'áo: Hoozdoh Hahoodzoh t'áá náhwiist'ą bibee haz'áanii dooleelgo bohodeest'áanii éi dootł'izh bíighahgo; Bee haz'áanii Nitsaaí Bindii'a' nák'ąąsgo éi gínsi bíighahgo; dóo Hoozdoh Hahoodzoh t'áá náhwiist'ą aná'a'a'ii nahat'á bich'í' anáalne'ii éi litso bíighahgo.

“Aoo” bee aghá'níidee'go éi Hoozdoh Hahoodzoh Bibee Haz'áanii Nitsaaí Bindii'a' nák'ąąsji yidídoolniigo Hoozdoh Hahoodzoh t'áá náhwiist'ą bibee haz'áanii dooleelii bee i'ii'níłi biih doozoh nízingo yiniyé ha'diilaii 30 naat'áanii bił hadawiiisdzoh t'áá ła' ní'ą bik'eh t'ááłá'í béeso bee ółta'go alts'ádaaszohgo díkwii da yízhi' áłhxą' ázhdoolíłgo yee hooł'aah, doo éi Hoozdoh Hahoodzoh t'áá náhwiist'ą aná'a'a'ii t'ááłá'í béeso bee ółta'go alts'ádaaszohgo bitahdóo da. Hoozdoh Hahoodzoh t'áá náhwiist'ą bibee haz'áanii dooleelgo bohodeest'áanii bee i'ii'níłi biih doozohgo éi ił hadawiiisdzoh t'áá ła' ní'ą bik'eh aná'a'a'ii bitahdóo t'ááłá'í béeso bee ółta'go alts'ádaaszohgo dootł'izh bíighahgo yee hooł'aah. Hoozdoh Hahoodzoh Bibee Haz'áanii Nitsaaí Bindii'a' nídook'ąsii bee i'ii'níłi biih doozohgo éi ił hadawiiisdzoh t'áá ła' ní'ą bik'eh aná'a'a'ii bitahdóo t'ááłá'í béeso bee ółta'go alts'ádaaszohgo gínsi bíighahgo yee hooł'aah. Hoozdoh Hahoodzoh t'áá náhwiist'ą aná'a'a'ii nahat'á bich'í' anáalne'ii bee i'ii'níłi biih doozohgo éi ił hadawiiisdzoh t'áá ła' ní'ą bik'eh aná'a'a'ii bitahdóo t'ááłá'í béeso bee ółta'go alts'ádaaszohgo litsoh bíighahgo yee hooł'aah. Bee haz'áanii dooleelii 30 naat'áanii bił hadawiiisdzoh bił ła' t'ááłá'í béeso bee ółta'go alts'ádaaszohgo díkwii yízhi' áłhxą' ádoolníł yee hooł'a'ii doo bíighahdi shóozt'e'góo, éi bee i'ii'níłi biih doozohígíí doo bee ła' da doo, dóo doo aná'a'a'ii bich'í' kódoolníł da.

“Dooda” bee aghá'níidee'go éi bee haz'áanii nitsaaí bindii'a' saad bee hadít'éii t'áá náás yit'ihji yidídoolniigo éi bee haz'áanii ła' nídook'ąsgo Hoozdoh Hahoodzoh t'áá náhwiist'ą bibee haz'áanii dooleelgo bohodeest'áanii biniyé Hoozdoh Hahoodzoh t'áá náhwiist'ą aná'a'a'ii bitahdóo t'ááłá'í béeso bee ółta'go alts'ádaaszohgo dootł'izh bíighahgo yee has'ą, bee haz'áanii nitsaaí bindii'a' nídook'ąsii biniyé éi Hoozdoh Hahoodzoh t'áá náhwiist'ą aná'a'a'ii bitahdóo t'ááłá'í béeso bee ółta'go alts'ádaaszohgo gínsi bíighahgo, dóo aná'a'a'ii nahat'á bich'í' anáalne'ii biniyé éi Hoozdoh Hahoodzoh t'áá náhwiist'ą aná'a'a'ii bitahdóo t'ááłá'í béeso bee ółta'go alts'ádaaszohgo litsoh bíighahgo.

**BEE HAZ'ÁANII DOOLEELII NEEZNÁDIIN DÓÓ BI'AAN TÁDIIN DÓÓ BI'AAN  
ASHDLA'**

Naat'áanii bee haz'áanii ádeiile'ígíí Hoozdoh Hahoodzoh Naat'áanii Aláajjì' Dah Sidáhígíí bídéet'i'jì Hoozdoh Hahoodzoh Bibee Haz'áanii Nitsaaí Bindii'a' nídook'ąsgo yidahodeez'ą

**BEE WÓJÍHÍGÍÍ**

Hoozdoh Hahoodzoh Bibee haz'áanii Nitsaaí Bindii'a' IV biyaaí, 2 Góne' Yilts'ihígíí biyaaí, 1 Góne' Dah Shijaa'ígíí, náak'ąąs; Hoozdoh Hahoodzoh Bibee haz'áanii Nitsaaí Bindii'a' V biyaaí, 4 Góne' Dah Shijaa'ígíí, náak'ąąs; Hoozdoh Hahoodzoh Naat'áanii Aláajjì' Dah Sidáhígíí bídéet'i'jì.

**BAA HANE'ÍGÍÍ**

T'áá hazhó'ó anaa' bíł ałk'ih iijéé' dóó hodoók'ąął dóó to yíłąąd bídéet'i'jì éí nidaga'go, Hoozdoh Hahoodzoh Naat'áanii Aláajjì' Dah Sidáhígíí yéego honiitł'ahgo yá nihodi'ááhdóó bik'ijjì' 30 yíłkáhgo éí óhólníhígíí ni' áyíil'jìh, naat'áanii bee haz'áanii ádeiile'ígíí doo náás deiidi'aahgóó. Hoozdoh Hahoodzoh Naat'áanii Aláajjì' Dah Sidáhígíí naat'áanii bee haz'áanii ádeiile'ígíí táá'góó ałts'á'nilgo t'áálá'í dah shijaa' bíighahgo naaltsos yikáá' bízhi' ádayiilaago índa t'áá sahdii biniyé áłah adooleełgo yee hooł'aah.

“Aoo” bee aghá'níidee'go éí Hoozdoh Hahoodzoh Bibee Haz'áanii Nitsaaí Bindii'a' nídook'ąsjí yidídoolnihgo Hoozdoh Hahoodzohjì Naat'áanii Aláajjì' Dah Sidáhígíí yéego honiitł'ahgo biniyé óhólníh bąąh niilyáii t'áá bini'dii niidoolt'ih, yéego honeestł'ahgo hoo'a'ii yá t'áadoo le'é yee nihodini'áanii bijjídóó 30 yiskąągo, t'áá hazhó'ó Naat'áanii Bee Haz'áanii Ádeiile'ígíí éí Hoozdoh Hahoodzohjì Naat'áanii Aláajjì' Dah Sidáhígíí yéego honiitł'ahgo biniyé óhólníh bąąh niilyáii yá náás deiideez'ąągo éí doodago yéego honeestł'ahii anaa' bíł ałk'i' iijeeh dóó hodiitłah dóó tó yíłąąd bídéet'i'go t'éiyá nidaga'. Naat'áanii Bee Haz'áanii Ádeiile'ígíí yéego honeestł'ah biniyé óhólníh ąąh niilyáii doo náás deiideez'ąągóó, Hoozdoh Hahoodzohjì Naat'áanii Aláajjì' Dah Sidáhígíí t'áá éí áhoot'éhígíí bits'ąądóó doo ániidigo yéego honeestł'ahgo hoo'a' níigo ninááhodidoo'áał da. Éí bínáanéiit'ąągo, Naat'áanii Bee Haz'áanii Ádeiile'ígíí ałk'ih bíł haz'ąądóó ałch'ihjì táa'go ałts'áadzohgo ałch'ihjì t'áálá'í dah shijaa' bíighahgo dayíkeedgo, Hoozdoh Hahoodzohjì Naat'áanii Aláajjì' Dah Sidáhígíí t'áá áko t'áá sahdii át'áo áłah adooleeł Hoozdoh Hahoodzohjì Naat'áanii Aláajjì' Dah Sidáhígíí yéego honiitł'ahgo biniyé óhólníh bąąh niilyáii nidoolt'ih éí doodago łahgo ádoolníł biniyé.

“Dooda” bee aghá'níidee'go éí t'áá k'ad Hoozdoh Hahoodzohjì Naat'áanii Aláajjì' Dah Sidáhígíí yéego honiitł'ahgo biniyé óhólníh bąąh niilyáii t'áá náás yit'ih doogo yidídoolnih.

## **BEE HAZ'ÁANII DOOLEELII NEEZNÁDIIN DÓÓ BI'AAN TÁDIIN DÓÓ BI'AAN HASTÁÁ**

Naat'áanii bee haz'áanii ádeiile'ígíí bee i'ii'níí bii' bee haz'áanii dadooleelii daasdoh bídéet'i'jí Hoozdoh Hahoodzoh Bibee Haz'áanii Nitsaaí Bindii'a' nídook'ąsgo yidahodeez'ą

### **BEE WÓJÍHÍGÍÍ**

Hoozdoh Hahoodzoh Bibee haz'áanii Nitsaaí Bindii'a' IV biyaaí, 1 Góne' Yilts'ihígíí biyaaí, 1 Góne' Dah Shijaa'ígíí, nákaąs; bee i'ii'níí bii' bee haz'áanii dadooleelii daasdoh bídéet'i'jí.

### **BAA HANE'ÍGÍÍ**

Aná'á'a'ii ła' bee haz'áanii dooleelgo bohodeest'áanii bee i'ii'níí bii' doodzohígíí háí da yik'ihjí' ni'doołtsosgo bá ahóót'i'go ílééh, éí i'ii'níí 100 dóó bilááh yiská t'áá bitséedi nizh'doołtsos dóó éí bee haz'áanii dooleelgo bohodeest'áanii éí Wáashindoon éí doodago Hoozdoh Hahoodzoh Bibee Haz'áanii Nitsaaí Bindii'a' k'iidootih jiniigo.

“Aoo” bee aghá'níídee'go éí Hoozdoh Hahoodzoh Bibee Haz'áanii Nitsaaí Bindii'a' nídook'ąsjí yididołnihgo aná'á'a'ii ła' bee haz'áanii dooleelii yihodeez'áanii bee haz'áanii nitsaaí bindii'a' doo yee has'ąą da niigo yee nida'iłtsóos dooígíí yá hwiidoł'aał ada'ii'nííł bitséedi 100 dóó bi'aan yiskáądi yah ají'ahgo, bee i'ii'níí biih doodzohígíí niidołłłł biniyé. Aná'á'a'ii ła' bee haz'áanii dooleelii yihodeez'áanii bee haz'áanii nitsaaí bindii'a' doo yee has'ąągóó bééhoozingo, éí Hoozdoh Hahoodzoh Binaaltsoos Yik'ih Déez'j'ii doodago náána ła' ada'ii'nííłj' bik'ehgo hoogáalı bee i'ii'níí yiih yidoozohígíí yits'áiididoo'áál.

“Dooda” bee aghá'níídee'go éí k'ad beehaz'áanii át'éhígíí t'áá yit'ée doogo yididołnih, éí aná'á'a'ii ła' bee haz'áanii dooleelii yihodeez'áanii bee haz'áanii nitsaaí bindii'a' doo yee has'ąą da ha'niigo bich'ąąh ni'doodáłígíí éí aná'á'a'ii yee ła' da'álee'go inda yee has'ąą ła'h.

## BEE HAZ'ÁANII DOOLEELII NEEZNÁDIIN DÓÓ BI'AAN TÁDIIN DÓÓ BI'AAN TSOSTS'ID

Naat'áanii bee haz'áanii ádeile'ígíí aa dahwiinítí bił haz'á bídéét'i'jí Hoozdoh Hahoodzoh Bibee Haz'áanii Nitsaaí Bindii'a' nídook'ąsgo yidahodeez'á

### **BEE WÓJÍHÍGÍÍ**

Hoozdoh Hahoodzoh Bibee Haz'áanii Nitsaaí Bindii'a' IV biyaaí, 4 dóó 9 dóó 12 dóó 37 dóó 38 dóó 41 dóó 42 Góne' Dah Naazhjaa'ígíí, náak'ąąs; aa dahwiinítí bił haz'á bídéét'i'jí.

### **BAA HANE'ÍGÍÍ**

Ánizahjí' á nihwii'aahii ídlí dóó t'áa dah náa'ásdáa doogo biniyé i'ii'níł nahjí' kwiidoolíł dóó 2024 yihah góne' t'áa dah náa'ásdáa doogo bá ada'diyoo'niłígíí doo íłígóo'iidoolíł, Hoozdoh Hahoodzoh álátahdi nitsaago á nidawii'aahii dóó aa náahwiinít'íhjí' á nidahwii'aahii dóó 250,000 bílaahgo diné bił atł'sí hadahwiisdzohgóo adeií aa hwiinít'íhjí' á nidahwii'aahii bá. Éí á nidahwii'aahii ákót'éii nizhónigo ádaáníłgo 70 béedáahajjí' t'áa dah nidaháaztąągo yee hooł'aah.

“Aoo” bee aghá'níidee'go éí Hoozdoh Hahoodzoh Bibee Haz'áanii Nitsaaí Bindii'a' nídook'ąsjí yidíidoolniigo Hoozdoh Hahoodzoh álátahdi nitsaago aa hwiinít'íhjí' dóó aa náahwiinít'íhjí' á nidahwii'aahii, dóó 250,000 bílaahgo diné bił atł'sí hadahwiisdzohgóo adeií aa hwiinít'íhjí' á nidahwii'aahii ánizahjí' á nihwii'aahii ídlíniigo háadoodzoh. Aná'a'a'ii éí éí ánidahwii'aahii ánizahjí' á nihwii'aahii ídlí bíighah aleehgo t'áa dah nináaháastąą dooígíí doo yee nináadahodii'aah da doo. Éí á nidahwii'aahii yéego ádidahodiilt'i'jí hak'íhjí' nidahwiist'ąągo, éí doodago ąąh háa'a' yí'oh dadineesdlíí'go aahwiinít'íhjí' yah íit'i'go, éí doodago hooghan nidayisnii'go yí'oh dadineesdlíí'go, éí doodago ánidahwii'aahii binaanish yik'ih dadéez'í'go yá dah shijaa'déé' (Commission on Judicial Performance Review) naanish bi'oh ájiilaa daaniigo t'éiyá t'áa dah nináaháaztąą doogi bá anáada'diyoo'nił. Ayaaí Hooghan dóó Adeií Hooghan ałch'ihdóo éí Dah Shijaa'jí' atah dah sidáa dooígíí ła' nídeiididooltééł. Naat'áanii bee haz'áanii ádeile'ígíí éí Dah Shijaa'ii ánihwii'aahii ła' doo ákwii ádzaagóo nawoosnii'go nida'doolkah níigo yiyíkeedgo, éí Dah Shijaa'ii éí éí ak'ihodiit'ánígíí t'áa nidazhdoolkah. Bee ła' azlíí'go, díí bee haz'áanii náak'ąąsígíí éí náat'ąą' ididóolniigo Níłch'ihts'ósí 2024 yihahgo ánidahwii'aahii t'áa dah nináaháastąą doogo bá ada'iisniłígíí doo ididóolnih da.

“Dooda” bee aghá'níidee'go éí t'áa k'ad ahxii'sinilgo ánihwii'aahii ánizahjí' á nihwii'aahii ídlí bíighah aleehgo t'áa aníidoolt'eelígi aná'a'a'ii yee nidahodidoo'ááłígíí t'áa ákót'éego óolzin doogo yidíidoolniigo.

**BEE HAZ'ÁANII DOOLEELII NEEZNÁDIIN DÓÓ BI'AAN TÁDIIN DÓÓ BI'AAN  
TSEEBÍÍ**

Naat'áanii bee haz'áanii ádeiile'ígíí béeso bik'é nida'anishii bídeét'i'jí Hoozdoh Hahoodzoh Bibee  
Haz'áanii Nitsaaí Bindii'a' nídook'ąsgo yidahodeez'ą

**BEE WÓJÍHÍGÍÍ**

Hoozdoh Hahoodzoh Bibee Haz'áanii Nitsaaí Bindii'a' XVIII biyaaí, 11 Góne' Dah Shijaa'ígíí  
biíhidzóóh; béeso bik'é nida'anishii bídeét'i'jí.

**BAA HANE'ÍGÍÍ**

Nidaalnishí béeso yik'é nidaalnishii náábíghąąhji' béeso baa náádaha'nííłgo bił bich'i'  
nida'azláhígíí, éí bá nida'anishí ahéé'iilkeedgo béeso bik'é na'anishii hóyahdi bá hoodzooígíí ła'  
béeso yilts'íłgíí naakiyáál bíighahji' bee bi'ohgo yich'i' nida'iilée doogo yá hool'aah, nidi éí bá  
nida'anishí naalnishí ts'ídá ahéé'iilkeedgo béeso bik'é na'anishii hóyahdi bá hoodzooígíí bi'aan  
\$2 bich'i' niilyáago íishjání áyiilaago téiyá.

“Aoo” bee aghá'níídee'go éí Hoozdoh Hahoodzoh Bibee haz'áanii Nitsaaí Bindii'a' nak'ąąsji  
yidídoolnihgo bá nida'anishí ahéé'iilkeedgo béeso bik'é na'anishii hóyahdi bá hoodzooígíí ła' béeso  
yilts'íłgíí naakiyáál bíighahji' bee bi'ohgo bá nidaalnishí yich'i' nida'iilée doo bá nida'anishí ts'ídá  
ahéé'iilkeedgo béeso bik'é na'anishii hóyahdi bá hoodzooígíí náábíghąąhji' béeso baa náádaha'níłgíí t'áá  
ahéniná'álki'ji' \$2 béeso bee biláahgo íishjání áyiilaago t'éiyá.

“Dooda” bee aghá'níídee'go éí ahéé'iilkeedgo béeso bik'é na'anishii hóyahdi bá hoodzooígíí t'áá  
k'ad bibee haz'áanii gíí t'áá ákót'éego óolzin doogo yidídoolnih.

## **BEE HAZ'ÁANII DOOLEELII NEEZNÁDIIN DÓÓ BI'AAN TÁDIIN DÓÓ BI'AAN NÁHÁST'ÉÍ**

Awéé' t'óó átsá haal'eel baa óhólníih bá ahóót'i' bídéét'i'jí naaltsoos yizhi bee álhxa' álnéhígíí bee bee haz'áanii dooleelgo bohodeest'á

### **BEE WÓJÍHÍGÍÍ**

Hoozdoh Hahoodzoh Bibee Haz'áanii Nitsaaí Bindii'a' II biyaii, 8.1 Góne' Dah Shijaa'ígíí ła' bihidzóoh; éi awéé' t'óó átsá haal'eel baa óhólníih bá ahóót'i' bídéét'i'jí.

### **BAA HANE'ÍGÍÍ**

Awéé' t'óó átsá haal'eeljí baa óhólníih bá ahóót'i'go íilééh. Hoozdoh Hahoodzoh éi baa óhólníih bá ahóót'i'ígíí awéé' iishch'id bits'ąądi hiidoonáál t'ahdoo yaa niniséégóo yidínóotł'ahígíí yits'ąą yì'oh iidoolííł. Awéé' iishch'id bits'ąądi hiidoonaał yaa ninisąągo éi yiltsánígíí hait'áo da be'iina' éi doodago bits'íis hadaalt'éegi yihodidooł'ih bits'ąą éi awéé' t'óó átsá haal'eel bá ahóót'i'go íilééh. Awéé' t'óó átsá haal'eelgi hái da áká iilyeedgo bee haz'áanii bee bá nihodoot'álgíí doo bee haz'ąągóo íilééh.

“Aoo” bee aghá'níidee'go éi Hoozdoh Hahoodzoh Bibee Haz'áanii Nitsaaí Bindii'a' biyaadóo awéé' t'óó átsá haal'eeljí baa óhólníih bá ahóót'i'ígíí ła' bá ádoolnííłgo yidídóolnih. Hoozdoh Hahoodzoh éi awéé' iishch'id bits'ąądi hidoonaał t'ahdoo yaa niniséégóo díi óhólníih bá ahóót'i'ígíí yidínóotł'ahgi doo yíneel'ąą da dooleel t'áa hazhó'ó doo nídi baanii bee hólóqgo dóo t'áa a'ohdi baa hoch'į'k'ehgo á'iilaago t'éiyá. Awéé' iishch'id bits'ąądi hidoonaał t'ahdoo yaa ninisééi éi ootsá bii' hoolzhishígíí haa'igi shíí, éi ats'íis baa áháyąąjí naalnishí ła' hazhó'ó yee nihodíní'ąago, átsá sitiinii iishch'id bits'ąądi ha'doolđijłii t'áa íiyisí náoólniigo óolyé. Ootsá bił hoolzhish bii'góo, awéé' iishch'id bits'ąądi hidoonaał yaa nisééh t'áa bitséedi dóo bikéedi, Hoozdoh Hahoodzoh éi awéé' t'óó átsá haal'eelgo binahjí' éi yiltsáanii be'iina' éi doodago bits'íis hadaalt'éii bits'ąą baa áháyąą doo níigo ats'íis baa áháyąąjí naalnishí hazhó'ó yee nihodíní'áanii yidínóotł'ahgi doo yíneel'ąą da dooleel. Hoozdoh Hahoodzoh éi hái da yiltsáanii awéé' t'óó átsá haal'eelgi baa óhólníih bá ahóót'i'ígíí yik'eh é'éléehgo yíká iilyeedgo bee haz'áanii yik'ijí' yidoozhígíí doo yíneel'ąą da dooleel.

“Dooda” bee aghá'níidee'go éi Hoozdoh Hahoodzoh Bibee Haz'áanii Nitsaaí Bindii'a' biyaadóo awéé' t'óó átsá haal'eel baa óhólníih bá ahóót'i'ígíí doo ła' bá ádoolnííłgóo yidídóolnih, t'áa k'ad bee haz'áanii awéé' iishch'id bits'ąądi hidoonaał t'ahdoo yaa niniséégóo t'óó átsá hadool'ólgo yits'ąą yaa hóchį'ígíí t'áa silaa doo, dóo Hoozdoh Hahoodzoh náásgóo awéé' t'óó átsá haal'eelgíí t'áa yíwohgo yits'ąą yaa hóchį' dóo doo yá has'ąą da doo.

## BEE HAZ'ÁANII DOOLEELII NEEZNÁDIIN DÓÓ BI'AAN DÍZDIIN

I'ii'nííł bídéét'i'jí naaltsoos yízhí bee áłhxa' álnéhígíí bee bee haz'áanii dooleelgo bohodeest'á

### **BEE WÓJÍHÍGÍÍ**

Hoozdoh Hahoodzoh Bibeehaz'áanii Nitsaaí Bindii'a' VII biyaaí, 2 dóó 7 dóó 10 dóó 11 Góne' Dah Naazhjaa'ígíí, náak'ąąs; Hoozdoh Hahoodzoh Bibeehaz'áanii Nitsaaí Bindii'a' VII biyaaí, 19 Góne' Dah Shijaa''ígíí bihidzóóh, i'ii'nííł bídéét'i'jí.

### **BAA HANE'ÍGÍÍ**

Bąąh ha'nildéehgo naat'áanii adoodlełjı deiyıjeehii bee i'ii'nííł bii' bízhi' dabikáá' dooleelgo t'áá át'é t'áá ahxeelt'éego yízhí áłhxa' álnéhígíí bee bá haz'ąą doo. Aná'a'a'ii bá hada'dilyaaí éi t'áá hái shıı naat'áanii adoodlełgo deiyıjeehígíí yá ada'doo'ał nahat'a yee da'atahjí doo bóhónííłgóó. Naat'áanii bee haz'áanii ádeıile'ígíí éi naat'áanii adoodlełgo deiyıjeehígíí díkwı shıı nitsaago i'ii'nííłjı' náás dookahígíí yee nidahodidoo'áałgo bá ahóót'i'go íílééh. Diné bibéeso éi nahat'a bee dah da'ıldéehjí i'ii'nííł bá choidoo'ııłgo doo bee haz'ąągóó íílééh.

“Aoo” bee aghá'níídee'go éi i'ii'nííłjı yidídóółnihgo aná'a'a'ii bá hada'dilyaaí bąąh ha'nildéehjí naat'áanii adoodlełjı deiyıjeehii t'áá hái shıı yá ada'doo'ałgo yee hwiidooł'aal, nahat'a ał'ąą da'atahjí doo bóhónííłgóó; dóó t'áá hái shıı nidahaz'ąągóó yá naat'áanii adoodlełjı deiyıjeehii bee i'ii'nííł bii' shızhı' doo nızinii t'áá át'é t'áá aheelt'éego yízhí áłhxa' álnééh yiididooł'ihjí; dóó nahat'a ał'ąą dah da'ıldéehjí ada'ii'nííł bá diné bibéeso doo choidoo'ııłgóó t'áá hóteelgo yee hwiidooł'aaljí; dóó naat'áanii adoodlełjı deiyıjeehii éi díkwı bąąh ha'nildééh i'ii'nííłdóó náás dookahígíí, dóó nitsaago i'ii'nííłdi éi hait'áo naat'áanii adoodlełjı deiyıjeehii bá ada'diyoo'nííłgíí éi náasdi beehaz'áanii ya hwiidooł'aaljí; dóó náasdi bee haz'áanii ła' t'ááłá'ı naat'áanii adoodlełjı yilwołii bá aghá'dı'nóodahgo nitsaago i'ii'nííłjı' táa' dóó yıwohgo naat'áanii adoodlełjı deiyıjeehii náás dookahgo yee hooł'a' ládąą', aná'a'a'ii naat'áanii adoodlełjı deiyıjeehii ałkéé' nideiznilgíí choidoo'ııł.

“Dooda” bee aghá'níídee'go éi k'ad bee haz'ánígíí t'áá ákót'éego óolzingo yidídóółnih aghá'nildééh dóó nitsaago i'ii'nííł ałkéé' baa da'ıldééh bídéét'i'jí.



## **BEE HAZ'ÁANII DOOLEELII TÁADI NEEZNÁDIIN DÓO BI'AAN LA'TS'ÁADAH**

Naat'áanii bee haz'áanii ádeile'ígíí yéego honiitl'ahgo áłtsé bich'í' choda'ool'íinii bídeét'í'jí  
diné yich'í' kódayiilaa

### **BEE WÓJHÍGÍÍ**

Hoozdoh Hahoodzoh Bibee Haz'áanii Háádilyaii Title 12 wolyéii biyaii, 1 Góne' Si'ánígíí biyaii, 1 Góne' Si'ánígíí nák'aas, 12-116.12 Dah Shijaa'ígíí bihidzóóh; Hoozdoh Hahoodzoh Bibee Haz'áanii Háádilyaii 12-116.12 Dah Shijaa'ęę éí nahjí' hanádzóóh; Hoozdoh Hahoodzoh Bibee Haz'áanii Háádilyaii 13-1204 Dah Shijaa'ígíí nák'aas; 13-1204 Dah Shijaa'ígíí nák'aas, díí Saad Bee Nihodit'aahii 3 Góne' Dah Shijaa'ígíí bee násk'ázígi át'áo; Hoozdoh Hahoodzoh Bibee Haz'áanii Háádilyaii Title 38 wolyéii biyaii, 8 Góne' Si'ánígíí nák'aas, éí biyaii 4 Góne' Si'ánígíí bihidzóóh; Hoozdoh Hahoodzoh Bibee Haz'áanii Háádilyaii Title 38 wolyéii biyaii, 8 Góne' Si'ánígíí biyaii, 4 Góne' Si'ánígíí éí nahjí' hanádzóóh; yéego honiitl'ahgo áłtsé bich'í' choda'ool'íinii bídeét'í'jí.

### **BAA HANE'ÍGÍÍ**

Hoozdoh Hahoodzoh yéego honiitl'ahgo áłtsé bich'í' choda'ool'íinii ła' t'áa naanishdi yilnishgo yits'áádóo be'iina' niit'ihgo éí be'asdzáá/bahastiin éí doodago ba'álchíní t'ahdii dahinánígíí \$250,000 yich'í' niidooléelgo íllee. Hoozdoh Hahoodzoh Béeso Bee Ináanii Bihiniidéhii (Supplemental Benefit Fund) wolyéego yiniyé hasht'e' niidooni, éí diné yéego ádidahodiilt'éhgo bee bik'í'jidahwiit'aahjí t'áa bá nidahwiit'aah bik'eh nályéhígíí binikáa góne' t'áa ahááh béeso bá ch'ihidit'aah doo. Yéego honiitl'ahgo áłtsé bich'í' choda'ool'íinii ła' bik'í'jiilwod dóo yéego atíjiilaa dóo t'áadoo le'é bizdeezla'jí bee á nihwiit'aah dei íllee.

“Aoo” bee aghá'níidee'go éí Hoozdoh Hahoodzoh yéego honiitl'ahgo áłtsé bich'í' choda'ool'íinii ła' t'áa naanishdi yilnishgo yits'áádóo be'iina' niit'ihgo be'asdzáá/bahastiin éí doodago ba'álchíní t'ahdii dahinánígíí \$250,000 yich'í' niidooléelgo yidídóoŋih, éí Hoozdoh Hahoodzoh Aniné Bik'é Nályé wolyée doo; Hoozdoh Hahoodzoh Béeso Bee Ináanii Bihiniidéhii hasht'e'sinilgo ádoolnílgo Hoozdoh Hahoodzoh Aniné Bik'é Nályé niyiilee doo; siláo dóo náadaała' yéego honiitl'ahgo áłtsé bich'í' choda'ool'íinii bik'í'jiilwodgo yéego atíjiilaago éí yéego ádihodiilt'ihjí bee ánihwiit'aahii dei íidooliil; dóo nitsaago ádihodiilt'ééjí ła' ní'áago hak'í'jidahwiit'aahii \$20 béeso nályé yididoołt'ihgo Hoozdoh Hahoodzoh Béeso Bee Ináanii Bihiniidéhii yik'é asłaa doo. Hoozdoh Hahoodzoh Aniné Bik'é Nályé, dóo \$20 béeso nályéii, dóo ak'i'íilwodgo yéego atí'élyaa'jí bibee ánihwiit'aahii dei ályaa'ígíí éí Yas Nilt'ees 1, 2033 yihahgo bee i'doo'áál.

“Dooda” bee aghá'níidee'go éí yéego honiitl'ahgo áłtsé bich'í' choda'ool'íinii ła' t'áa naanishdi yilnishgo yits'áádóo be'iina' niit'ihgo éí Hoozdoh Hahoodzodéé' da'atsaahgo nályé ła' niidooléelgo doo ła' bee haz'áa da doogo yidídóoŋih.

## BEE HAZ'ÁANII DOOLEELII TÁADI NEEZNÁDIIN DÓO BI'AN NAAKITS'ÁADAH

Naat'áanii bee haz'áanii ádeile'ígíí kéyah bi'ínáolta'í bídéet'i'jí diné yich'í' kódayiilaa

### **BEE WÓJÍHÍGÍ**

Hoozdoh Hahoodzoh Bibee Haz'áanii Háádilyaii Title 42 wolyéii biyaii, 17 Góne' Si'ánígíí nák'aas, éi biyaii 9 Góne' Si'ánígíí bihidzóóh; Hoozdoh Hahoodzoh Bibee Haz'áanii Háádilyaii Title 42 wolyéii biyaii, 17 Góne' Si'ánígíí biyaii, 9 Góne' Si'ánígíí nahji' hanádzóóh; kéyah bi'ínáolta'í bídéet'i'jí.

### **BAA HANE'ÍGÍ**

Bikéyah da'ílinii bikéyah bikáá' éi doodago bíighahgi t'áadoo le'é bá hodoonihii bił hoo'a'go óhólníh baah siláii doo bee haz'áanii yee la' yiyiilaagóo yiniinaa béeso bits'a ninídee'go ínáolta'í t'áá' nályéii yiniyé hada'didoolíiłgo ílééh. Éi t'áá' nályéii éi bikéyah ílinii la' náahaidáá' kéyah bi'ínáolta'í nizhnílahęę doo biláah adí'nóol'aął da.

“Aoo” bee aghá'níídee'go éi óhólníh baa siláii beehaz'áanii dóo kin dah naazhjaa' bibeehaz'áanii yee naalnishígíí álahji' yi'oh náníl'aąhgo bits'áádóo bikéyah ílinii bídéélniidgo béeso bits'a ninídee'ígíí ákéedi kéyah bi'ínáolta'í niiníláii bits'áádóo bíighahgo ínáolta'í t'áá' nályéii yiniyé ha'didoolíiłgo bá ahóot'i'jí yidídóolnih, éi beehaz'áanii éi doo bee haz'áagóo t'óo'góo nináda'a'nééh dóo nída'iilkaah, dóo na'áhodidlá, dóo da'nítiin nanilt'ah, dóo hasłáagi í'dókeed, dóo hasłáagi ni'iidlíish dóo ni'iichjijh, dóo hasłáagi adlá, dóo doo bee haz'áanii naalyé dóo choo'í. Ákóq yik'é ni'iizláii íishjání nááháaszohgo ákéedi kéyah bi'ínáolta'í bee aąh háá'áii yilááh silí'go, bikéyah ílinii náasdi kéyah bi'ínáolta'í nináá'jiidlee dooígíí bits'áádóo t'óo yęędąá' jíiikedeęę bi'aanígíí bik'ésti' doo biniyé ínáolta'í t'áá' nályéii yiniyé ha'didoolíiłgo bá ahóot'i' doo. Ínáolta'í nidiit'aah bił haz'áájí t'áadoo le'é bá hodoonihii bił nídahoo'aahgo beehaz'áanii bídéet'i'jí t'áá' íiyisí yee dadeeshnishji' bikéyah da'ílinii t'áá' nináháhááh bik'eh ínáolta'í t'áá' nályéeji' bá ahóot'i' doo.

“Dooda” bee aghá'níídee'go éi k'ad íiyisí kéyah bi'ínáolta'í nahalyé dóo bibee haz'áanii t'áá' ákót'éego óolzin doogo yidídóolnih.

## **BEE HAZ'ÁANII DOOLEELII TÁADI NEEZNÁDIIN DÓÓ BI'AAN TÁÁ'TS'ÁADAH**

Naat'áanii bee haz'áanii ádeiiile'ígíí ajił dóó kin baqah asdzı biniyé ałchíní danit'ııh dóó nidahaniih á nihwiit'aah bídeét'i'jí diné yich'i' kódayiilaa

### **BEE WÓJÍHÍGÍÍ**

Hoozdoh Hahoodzoh Bibee Haz'áanii Háádilyaii Title 13 wolyéii biyayii, 7 Góne' Si'ánígíí náak'ąąs, 13-720 Góne' Dah Shijaa'ígíí bihidzóóh; á nihwiit'aah bídeét'i'jí.

### **BAA HANE'ÍGÍÍ**

Hái da ajił dóó kin baqah asdzı biniyé ałchíní danit'ııh dóó nidahaniih yéego Class 2ígíí bee ádihozhdiilt'i'ii bee hak'ııjı' nihodeet'ąągo t'áá níik'eh hwe'iina' ninít'i'jı' hwéedidoochił nidi doo bohónéedząągóó Hasht'ééda'oodlıiıi Bił Haz'ą biyaadóó awáalyah hótsoagóó há nihodoot'áałgo yee hooł'aah.

“Aoo” bee aghá'níidee'go éi ajił dóó kin baqah asdzı biniyé ałchíní danit'ııh dóó nidahaniihjí yéego Class 2ígíí bee ádihodiit'i' hak'ııjı' nihoot'ąąjí k'ad bee haz'áanii binahjí' ał'ąą át'éego á nihwiit'aahii nahjí' háádoodzohgo yidídóolnih. Hái da ajił dóó kin baqah asdzı biniyé ałchíní danit'ııh dóó nidahaniihjí yéego Class 2ígíí bee ádihozhdiilt'i'go hak'ııjı' nihoot'ąągo éi t'áá níik'eh hwe'iina' ninít'i'jı' hwéedidoochił nidi doo bohónéedząągóó há nihodoot'áał.

“Dooda” bee aghá'níidee'go éi hái da ajił dóó kin baqah asdzı biniyé ałchíní danit'ııh dóó nidahaniihjí yéego Class 2ígíí yee ádihodiilt'i'go hak'ııjı' nihoot'ąągo t'áá k'ad bee haz'áanii binahjí' bá nihodoot'áałii t'áá ákót'éego óolzin doogo yidídóolnih. K'ad á nihwiit'aahii éi 7 nááhaidóó t'áá níik'eh iiná ninít'i'jı' hwéedidoochił nidi doo bohónéedząągóó, éi atilyaa binááháiígíí dóó bik'ih hodiit'áanii t'ąą'déé' ádidahodiilt'i'ígíí dóó náadaala' da ałdó' bídadéét'i'go.

## **BEE HAZ'ÁANII DOOLEELII TÁADI NEEZNÁDIIN DÓO BI'AAN DÍÍ'TS'ÁADAH**

Naat'áanii bee haz'áanii ádeiiile'ígíí siláo Hoozdoh Hahoodzoh bináhasdzoodi atí'él'í yaa nidanitá bídéét'i'jí diné yich'í' kódayiilaa

### **BEE WÓJÍHÍGÍÍ**

Hoozdoh Hahoodzoh Bibee Haz'áanii Háádilyaii Title 1 wolyéii biyaii, 5 Góne' Si'ánigíí biyaii, 1 Góne' Si'ánigíí nák'aas, éi biyaii 1-503 dóo 1-504 Dah Shijaa'ígíí bihidzóóh; Hoozdoh Hahoodzoh Bibee Haz'áanii Háádilyaii Title 13 wolyéii biyaii, 34 Góne' Si'ánigíí nák'aas, éi biyaii 13-3424 Dah Shijaa'ígíí bihidzóóh; Hoozdoh Hahoodzoh Bibee Haz'áanii Háádilyaii Title 13 wolyéii biyaii, 38 Góne' Si'ánigíí nák'aas, éi biyaii 35 Dah Si'ánigíí bihidzóóh; Hoozdoh Hahoodzoh Bibee Haz'áanii Háádilyaii Title 23 wolyéii biyaii, 2 Góne' Si'ánigíí biyaii, 2 Góne' Si'ánigíí nák'aas, éi biyaii 23-215 Dah Shijaa'ígíí bihidzóóh; siláo doo hóldzilgóo hoodzoh binahjí' atí'él'í yaa nidanitá bídéét'i'jí.

### **BAA HANE'ÍGÍÍ**

Hái da doo bee haz'áagóo Wáashindoon Bikéyah Ahxii' Sinilii bii' hojilóqogo áká e'elyeed dóo naanish bee bá hada'dilne'í bii' yooch'íid bíl hazhdiilaago, dóo Hoozdoh Hahoodzoh bii' yah i'iildééh bíl nidahaz'ánigíí bits'aadi náána lahdéé'go yah ajíiyáago, éi doodago t'áá' ch'éézhdoodaalgo há bik'eh áhoolyaago doo bik'eh hojít'íidgóo, éi yéego ádihodiilt'éehgo íilééh. Azee' tsi'na'iilá fentanyl wolyéii aa nahaniihgo hái da la' yiniinaa be'iina' ninít'i'go éi yéego ihodidoolt'ih.

“Aoo” bee aghá'níidee'go éi hái da doo bá haz'áagóo Wáashindoon Bikéyah Ahxii' Sinilii yii' hólóqogo yéego ádihodiilt'ééh ániidii íilééh díí ó'oo'níí bídéét'i'jí: (1) áká e'elyeed biniyé naaltsos bee hada'dilne'ii yooch'íid bii'go yah ajíí'ahgo; (2) Wáashindoon Bikéyah Ahxii' Sinilii bii' nizhdoolnishgo bee há haz'á bídéét'i'jí bá da'iniishii la' yooch'íid bíl yah a'jii'ahgo; (3) Kéyah lahdi dah náánást'áádéé' Hoozdoh Hahoodzoh góne' bee haz'áanii bik'ehgo yah a'iildééh bíl haz'áanii bits'aadi náána lahdéé' yah ajíiyáago; (4) Aa hwiinit'í bíl haz'áádéé' kéyah bii' hodzilí'góo éi doodago yah ajíiyáádéé'góo nidídaáh níigo bee ha nihodeet'áanii doo bik'eh hojít'íidgóo. Azee' tsi'na'iilá fentanyl haa nahaanii'go hái da náána la' yits'áádóo be'iina' ninít'i'go aldó' biniyé yéego ádihodiilt'ééh ániidii la' iidoolíí. Hái da doo bee haz'áagóo yah íiyáii binahjí' yéego ádihodiilt'i'go bik'iji' nihoot'áago Hoozdoh Hahoodzoh á nihwiit'aah bíl nidahaz'áádóo kéyah lahdi dah náánást'áagóo nizhdoodaalgo yee nidahodii'aahgo yee hool'aah. T'áá' ní' doodaal bee nihot'áanii bést'ónii éi Hoozdoh Hahoodzoh dóo hayázhí hadahwiisdzoh bisiláo ohólníih baah siláago éi éi diné yah a'iildééh la' bíl haz'áagóo éi doodago Wáashindoon yik'ih déez'íí' bíl haz'áagóo nídeiidoogéét.

“Dooda” bee aghá'níidee'go éi k'ad yéego ádihodiit'ihjí dóo bik'eh áda'oolniilii bibee haz'áanii t'áá' ákót'éego óolzin doogo yidídoolnih.

## **BEE HAZ'ÁANII DOOLEELII TÁADI NEEZNÁDIIN DÓO BI'AAN ASHDLA'ÁADAH**

Naat'áanii bee haz'áanii ádeiile'ígíí bee haz'áanii ál'í bídéét'i'jí diné yich'í' kódayiilaa

### **BEE WÓJÍHÍGÍÍ**

Hoozdoh Hahoodzoh Bibee Haz'áanii Háádilyaii Title 41 wolyéii biyaii, 6 Góne' Si'anígíí biyaii, 4.1 Si'anígíí, náak'ąąs, éi biyaii 41-1049 Dah Shijaa'ígíí bihidzóóh; bee haz'áanii ál'í bídéét'i'jí.

### **BAA HANE'ÍGÍÍ**

Hoozdoh Hahoodzoh bá da'íníish bíł nidahaz'ąądéé' t'áa hái shíí ła' bee haz'áanii ílleezii bee adeezhnishdóo ashdla' náahaijji' Naanish Dóo Na'iiniih Hanilchaad Bíł Haz'ąądóo ak'ih adéest'íí'jí bik'é da'íníishii \$500,000 dóo bi'aandi daats'í yee dei iidoolííł níigo éi naat'áanii bee haz'áanii ádeiile'ígíí yee ła' da'aslíí'go índa bee adoonish, t'áa hazhó'ó Hoozdoh Hahoodzohjí Naat'áanii Naanish Bíł Dah Da'ínééh Yá Dah Naháaztánigii bíł haz'ąąjí dóo yéego honiitł'ahjí bibee haz'áanii éi doo atah da.

“Aoo” bee aghá'níidee'go éi Hoozdoh Hahoodzoh bá da'íníish bíł nidahaz'ąądéé' t'áa hái shíí ła' bee haz'áanii dooleelii bee adeezhnishdóo ashdla' náahaijji' ak'ih adéest'íí'jí bik'é da'íníishii \$100,000 dóo bi'aan yee dei iidoolííłgo hazhó'ó dínóol'ííł biniyé Naanish dóo Na'iiniih Hanilchaad Bíł Haz'ąąjí yah adoot'ahgo yee hool'aahjí yidídóolnih. Naanish dóo Na'iiniih Hanilchaad Bíł Haz'ąąjí bee haz'áanii dooleelii bee adeezhnishdóo ashdla' náahaijji' ak'ih adéest'íí'jí bik'é da'íníishii \$500,000 dóo bi'aan yee dei iidoolííłgo yik'ininitąą'go, éi bee haz'áanii dooleelii naat'áanii bee haz'áanii ádeiile'ígíí naaltsoos bee ádá nihodiit'aahii yee bee haz'áanii dooleelii yik'ih ni'ní'ąągo t'éiyá bee adoonish. Hoozdoh Hahoodzohjí Naat'áanii Naanish Bíł Dah Da'ínééh Yá Dah Naháaztánigii bíł haz'ąąjí dóo yéego honiitł'ahjí bibee haz'áanii éi díí bee nihoot'aahii doo bídéét'i' da.

“Dooda” bee aghá'níidee'go éi k'ad Hoozdoh Hahoodzoh bá da'íníish bíł nidahaz'ąądéé' bee haz'áanii ál'í bibee haz'áanii bídéét'i'jí t'áa ákót'éego óolzin doogo yidídóolnih.